



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

12. Quænam sortes diuisoriæ licitæ sint, & quibus condicionibus?

urn:nbn:de:hbz:466:1-45653

bum mutatus. Hoc ferè solum retinuit boni, quod Beatissimam Virginem & Marianæ Congregationis catum non penitus deseruerit, sed subinde se præsentem stiterit, saltem in ceremoniam. Ita factum est, ut, statuto die, cum ceteris, MENSTRVM SANCTVM acceperit, & quidem SORTE prorsus diuina. Nam sententia qua pronunciata est, dum ille, ante crucifixi signum, ex more, flectit genua, è mellifluo docto-

S. Bern. ep.
105. ad Ro-
manum. Rō.
curiæ Sub-
diaconum.

re Bernardo transcripta erat, hisce omnino verbis: *Quid tardas ipsum, quem iam dudum conceperas. Spiritum parturire salutis? nil mortalibus vel morte certius, vel incertius hora mortis. quo modo vivere potes, ubi mori non audes? Audijt hac iuuenis tacitus quidem, sed, quasi fulmine ictus, monitorem è celo agnouit; & illo statim die fugam è lubrico in tutum paravit, altera vero luce, hilaris & alacer ad Religiosam domum contendit, ijsq; se aggregavit, quos diu fugerat, vitturus illic, ubi mori non trepidaret. Sic multos tetigit Deus sorte chartacea, & veluti ceruos fugientes iaculo amoris vulnerauit. Tria tamen hic monenda censeo. Primum, eiuscmodi sententias Sanctis Menstruis subiunctas, semper posse trahi in utilitatem, si aut virtutem inde discamus amare, aut vitium detestari, de quo sententia meminit. Secundum, vt non est mens Congregationis alicuius, per eiuscmodi schedas hariolari, aut futura pandere; ita neminem Panico terrore sibi persuadere debere, diuinare se inde posse, aut conigere, quid in hac vita immineat. Nam, v. g. licet vitam emendare possit, ne morte præoccupetur, qui in Menstruo Sancto memoriam Mortis exercendam accepit; stultissima tamen se anxietate cruciat, si inde certò existimare vellet, sibi illo mense esse moriendum. Tertium est, pessimos esse Sodales, qui, dum nihil pensi habent, de quo morbo ipsi, per eiuscmodi suffragia, moneantur, tamen sentientissimè attendunt, quid alijs legatur; putantque sinistram suam de alijs opinionem, etiam diuino testimonio, per eiusmodi sententias, confirmari. Quare si humilitas alicui commendatur, ea medicina, iudicant, superbiam eius notari; si liberalitas, En, aiunt, qua virtute indigeat auarus. Nempe hic est astus mali dæmonis, vt pietas abeat in risum; & metuat accipere Sodalis, ynde erubescat.*

XII.

Sextum documentum. *Sors diuisoria Politica ciuilis licita & vtilis, ac aliquando penè necessaria est. Licita, quia iure ac probis legibus recepta, & consuetudine optimarum Rerump. confirmata est. Hac sorte vñi sunt Romani (& Siculi Athenienses secuti) in iudeiudic. c.12 dicibus legendis, prouinciisque assignandis, item in herciscunda fami-*

Sigon. lib.2.
de iudic. c.12

familia, in militia; & cum dubium esset, qui primi caussam in iure dicere deberent, aut cum de optione pluribus relicta, de hereditate & bonis diuidendis, de seruis manumittendis, ageretur. Quæ omnia permittunt iura ciuilia. Idcirco dixi: *Sortem diuisoriam ciuilem* licitam. Nam constat, nunc planè, in Ecclesiasticis beneficijs, dignitatibus, ac Episcopo eligendo, *Sortis* vsum perpetuò esse prohibitum. c. ultim. Ex. de Sortileg. in fi. Vnde sortitone eligi non potest Episcopus. l. sacris 47. C. de Episcop. & Cleric. multò igitur minus Papa, qui est summus Episcopus. Cum enim in his eligendis certa à iure præscripta sit forma. c. quia propter. 42. Ex. de electione. nemini integrum relinquitur, ab ea recedere, vt Iason aliisque ratiocinantur. At verò in secularibus dignitatibus, officijs, actionibus, penis, rebúsq; alijs *diuisoriam sortem*, qua quid cuiq; tribuendū fit, quæritur, non esse vetitam, clarum est, ex cap. primo. 26. q. 2. Hoc genus sortis, est, inter mortales, v̄stissimum, &, vt superius vidimus, à S. Augustino, atque à S. nostro Ignatio usurpatum. Ne autem, etiam hīc peccatum subrepatur, monent Theologi. 1. Eventum, non à *Casu*, aut *Fortuna*, aut astris, sed à Deo expectandum, in cuius solius manu sunt *sortes nostræ*, teste Propheta. 2. Sortem debere esse simplicem, sine vlla superstitione & abusu sacrarum rerum. 3. Illos, qui sortiuntur, æquali iure nisi oportere, alioqui enim iniusta esset sortitio; posset enim sors v. g. in officio publico assignando, cum damno Reip. & iniuria digni, indigno facere; aut illi cui de mille florenis tantum decem deberentur, centum addicere. 4. Mentem præcipuam sortientium non debere esse, vt inquiratur voluntas Dei, modo extraordinario (cum talis modus sit profus incertus) sed vt tollantur lites, dissidia, querelle, inuidiae. Atque hinc vtilitas, & propemodum etiam necessitas eiusmodi Sortium ostenditur à Salomone dicente: *Conradiones comprimit sors, & inter potentes quoq; disjudicat.* Certè sape aliter non potest inter partes conueniri, tunc ergo bonum pacis non solum permittit iudicium sorti, sed etiam propemodum exigit. Ex quibus omnibus manifestum fit 1. recte, in militia, duces, sorte seligi, qui primi, qui postremi urbem inuadere, muros concendere, aut in acie stare debeant. 2. plures æqualiter reos milites, licetē de vita, vel resti sortiri posse. 3. iuste, tempore gravantis contagij pestilentis, sortiri corporum pariter, ac animarum medicos, quis eorum permanere in auxilium ægrotantium debeat:

Yy 2 quod

quod etiam supra vidimus ex mente S. Augustini, tempore hosti-
lis persecutionis, factitatum. 4. licitum esse, etiam coorta tem-
pestate, quis ex omnium consensu, è naui exoneranda sit spargen-
dus; aut quis ad hostem deprecatum, per tela, per ignes, mitten-
dus. 5. eleemosynas quoque ipsas, si incertum sit, cui cedere de-
beant, sortitò posse distribui.

XIII.

Huc reuocari potest *contraetus Sortis*, quem *Iudicium olla*, aut
Fortune ollam vocant; itemque ij, qui aleam iaciunt, statuto pre-
cio persoluendo, Symbolam conferentes, ut illius sit liber, aut
ensis, aut annulus, cui alea addicit. Est enim & hoc genus sor-
tiendi permisum, nec secundum se est aliud, quām *sors quadam di-*
uisoria ex beneplacito consortientium instituta, nec vlli aut diui-
no, aut humano iuri aduersa, si nulla fraus rem sorte acquirendam
exponentis, aut expositam acquirentis interueniat; quod, in pub-
licis ludis, cauere, pertinet ad magistratum; in priuatis, ad con-
scientiam ynius cuiusque. Mille enim sunt modi alios decipiendi,
aut peccandi. Nam qui mercem, in taberna, exponit (eāmque
verè, et si implicitè, vendit omnibus illis, qui symbolis collatis
summam conficiunt precio supellestilis expositæ æqualem) po-
test premium iniustum nominare, aut schedulas pecunia emendas
nimium multiplicare; aut etiam vni, præ alijs, clam dare char-
tulam, in qua scyphus argenteus, vel equus, vel aliud brauium est
annotatum. Quæ omnia iustitiae sunt aduersa. Item Princeps vel
Magistratus ipse potest peccare; si aut merces mutari vel minui
permittat primo expositas; aut aliquas merces priùs patiatur
extrahi, ijs, quæ sunt preciosiores, in ultimum locum ac tempus
reiectis, vt sortientes allicantur; aut etiam, si sinat vrnas in ma-
nu exponentium merces, eásque noctu non obsignet, aut custo-
diat: aut si plures, quām necesse sit ministros custodésque appo-
nat, quorum stipendijs populus grauetur, quando stipendia pre-
cio rerum adduntur. Denique & ipsi ministri à magistratu con-
stituti, possunt corrumpi, aut negligenter inuigilare, ne quid frau-
dis admittatur. His talibus dolis & culpis semotis, sors, seu *vrna*.
Fortuna licita est, & sàpè à Domino Deo in subsidium pauperis,
alicuius temperata, ut pro festertio equum, aut crumenam auro
turgidam accipiat, pro triobolo. Sàpè & auarum centum Phi-
lippeis in vrnam atque hamum missis, non finit extrahere, quod
I. Reg. 2.7. teruncio quoque emeret, Nimirum Dominus pauperem facit. & dis-
tat, hu-